



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

XXV. Siegfried Graf in Osterburg erneuet die von seinem Vater Albert in
die Hände der Stifter des Domstifts gemachten Schenkungen, am 10. Mai
1225.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

XXIII. Papsi Honorius III. bestätigt dem Domstifte die Befreiung von den Synoden so wie von dem Interdict und der Excommunication, am 18. Mai 1220.

Honorius episcopus, servus servorum dei, Dilectis filiis preposito et fratribus de stendale — vestris iustis postulacionibus grato concurrentes assensu, ad exemplar felicis recordacionis Celestini pape predecessoris nostri vobis auctoritate presentium indulgemus, ut nulli sinodum in ecclesia vestra vobis invitis liceat celebrare, Auctoritate etiam apostolica prohibemus, ne quisquam episcopus vel prelatus personas vestras excommunicationi aut vestram ecclesiam presumat subicere interdicto, salva sedis apostolice et ipsius legati auctoritate. Nulli igitur etc. Datum apud urbem veterem XV. kal. Junij, pontificatus nostri anno quarto.

XXIV. Papsi Honorius III. befiehlt den Streit des Domcapitels mit dem Archidiaconus des Landes Balsamien wegen der Obedienz der Pfarrer in den Capitelsdörfern zu schlichten, am 2. Juni 1220.

Honorius episcopus, servus servorum Dei, dilectis filiis Scolastico, Custodi, Ludolfo Canonico Magdeburgensi Salutem et apostolicam benedictionem. Dilectorum filiorum prepositi et Capituli ecclesie de Stendale accepimus questionem, quod Archidiaconus Balsamie, halberstadenfis diocesis, a Cappellanis ecclesiarum suarum obedientiam et reuerentiam exigit minus iuste, ipsos et predictas ecclesias super hiis et aliis contra iustitiam aggravando in eorum preiudicium et grauamen. Quo circa discretioni vestre per apostolica scripta mandamus, quatinus uocatis, qui fuerint euocandi et auditis hinc inde propositis, quod iustum fuerit, appellatione postposita statuatis, facientes quod decreueritis per censuram ecclesiasticam firmiter obseruari. Testes autem, qui fuerint nominati, si se gratia, odio uel timore subtraxerint, per censuram eandem cessante appellatione cogatis ueritati testimonium perhibere. Quod si non omnes hiis exequendis potueritis interesse, duo ueltrum ea nichilominus exequantur. Datum viterbii, III. non. Junii, pontificatus nostri Anno Quarto.

XXV. Siegfried Graf in Osterburg erneuet die von seinem Vater Albert in die Hände der Stifter des Domstifts gemachten Schenkungen, am 10. Mai 1225.

In nomine sancte et indiuidue trinitatis. Liqueat tam presentibus quam futuris, quod ego Sifridus, dei gratia comes in Ostirburch post obitum patris mei Alberti felicis memorie comitis in Ostirburch resignationem ab ipso pie factam in manus fundatorum ecclesie sancti Nicolai in Stendale spontaneus inuouo, Et donationem ab eisdem fundatoribus ob salutem animarum suarum eidem ecclesie pie factam, ratam habeo, hoc ipsum confirmando, videlicet ut ville Rokinze et Slavtitz ab omni iure et ab omni onere facto utriusque nostrum sicut et villa Garlip sint exempte, quod vel ego vel successores mei ab aliis villis in eadem comitia constitutis consueuerunt exigere debitum vel

quod ablit extorquere violenter. Verum ne sub hac generalitate obscuritas lateat onerosa expressiua har villar Rokinze videlicet et Slavtitz ab eo quod Grafkorn et Grafdink et Albergaria dicitur omnimodis absolutas recognosco. Et ne forsitan oblivio noverca gestorum hujus liberalitatis memoriam valeat obfufcare, litteris nostris et sigillo quod ob remedium animarum nostrarum fecimus successoribus inviolandum corroboramus. Acta sunt hec in Stendale, in domo mercatorum, presentibus clericis his scilicet canonicis in Stendale, Lamberto scolastico, Petro, Michahela, Henrico, Gunterramo, Reinwardo, Et canonicis Havelbergenfibus Gunzelino custode, Cunrado, Hermanno, Johanne, Walthero plebano in Julbuk, Et laicis Arnolde de redere, Theoderico quondam dapifero, Meinhardo de undin, Friderico advocato de Tangermunde, Wichardo de ueltheim, Olrico et Olrico advocatis, Gernando, seniore et juniore Et aliis quam pluribus. Anno dominice incarnationis M^o. CC^o. XXV^o. VI^o. Idus Maij.

XXVI. Die Markgrafen Johann und Otto genehmigen einen Tausch des Domcapitels zu Stendal mit dem Ritter Heinrich daselbst über vier dem erstern vom Markgrafen Albrecht verzeichnete Hufen Landes zu Schadewachten, am 2. April 1229.

In nomine sancte et Individue Trinitatis. Johannes dei gratia marchio Brandenburgensis et Otto frater ejus, omnibus presentem paginam inspecturis salutem in salutis auctore. Inter dilectos nostros capitulum sancti Nicolai in Stendale et Henricum militem eiusdem loci mediante Johanne preposito de Saltwedele talis habita est forma compositionis, ut pro quatuor mansis in Scadewachten, quos pater noster Albertus marchio, pie in christo memorie, in privilegio suo eidem ecclesie recognoscit, prefatus h. miles alios quatuor mansos iacentes in eodem campo in eo loco, qui Gruninge dicitur, cum omnibus suis pertinentiis in concambio iam dicte relinquat ecclesie libere possidendos. Nos igitur eandem compositionis formulam approbantes et pro bono pacis ratam habentes pro nostra nostrarumque salute omne jus, quod in eisdem mansis, quos in concambio memorata recepit ecclesia, hactenus habuimus, liberaliter conferimus ecclesie sepe dicte. Huius rei testes sunt Johannes prepositus de Saltwedele, hildebrandus sacerdos curie nostre henricus pincerna, Albertus de Niendorp, henricus de woldenhake, Alardus de Arnem, Gerardus de Kercowe, wernerus de Arneborg, fridericus Balistarius, Jordanes frater suus et alii quam plures. Ut autem hec nostra donatio firma maneat et inconuulsa et ne quis eidem ausu temerario valeat contraire, Presentem paginam inde conferibi et sigilli nostri appensione iussimus insigniri. Actum apud Tangermunde, Anno Gratie Millesimo Ducentesimo vicesimo nono, Quarto Nonas Aprilis.

XXVII. Nochmalige Bestätigung desselben Tausches, vom 28. August 1229.

In nomine sancte et individue trinitatis. Johannes, dei gratia marchio Brandenburgensis, et Otto frater ejus, omnibus presentem paginam inspecturis salutem in salutis auctore. Inter dilectos nostros capitulum sancti Nicolai in Stendal et Henricum, militem ejusdem loci,